

諭旨

八月初五日至九月初十日

旨直隸廣平府知府著劉中度補授直隸甯津縣知縣著祿坤補授山西河津縣知縣著汪張敷補授江蘇江甯府江防同知著徐漢源補授山西趙城縣知縣著王圻鎮補授截取舉人周啓倬著以知縣用賁鑾璽著以教職用傅朝旭著以教職用石元鼎著以知縣用熊壽鵬著以知縣用蔣炎齡著以知縣用楊昀著毋庸截取蔡寅著以知縣用李壽山著毋庸截取起居注筆帖式著鐸麟補授吏科筆帖式著札拉芬補授翰林院筆帖式著徐顯曾補授中書科筆帖式著德銘補授截取知府浙江道監察御史姚舒密著照例用奏留直隸補用道翰林院編修王景禧著照例用保送撫民同知太僕寺主事廣德著交部記名以撫民同知用擬補內閣中書任肇新著准其補授升補順天宛平縣京縣知縣李培之著准其升補保舉浙江候補知縣薛邦祺著照例用浙江開缺另補知縣員蘊章著仍回原省照例用捐復前山東臨朐縣知縣恆豫著准其捐復原官照例用開復前山西試用知縣田徵葵著准其開復原官仍發原省照例用欽此 八月初五日

上諭奉天府府尹兼巡撫事一缺著即裁撤所有府尹原管事務均著責成趙爾巽悉心經理欽此 上諭昨日有旨停止歲科考試專辦學堂所有各省學政均著專司考校學堂事務會同督撫經理所有奉天府府丞兼學政著改爲東三省學政奉天府府丞一缺著即裁撤欽此 上諭東三省學政著李家駒去湖北學政著裁缺奉天府府丞裴維佺去欽此 初六日

上諭山西大同鎮總兵員缺著韓廷貴補授欽此 初九日

諭旨

四十七

乙巳

諭旨

四十八

十一月

上諭朕欽奉 慈禧端佑康頤昭豫莊誠壽恭欽獻崇熙皇太后懿旨周馥陸元鼎電奏稱本月初三四兩日風潮猛湧川沙寶山南匯崇明等屬口沙居民被災淹斃人口至數千之多情形甚慘朝廷深爲憫惻著賞銀三萬兩由周馥等選派委員先行急賑盡心撫恤毋任流離失所餘著照所議辦理欽此 十一日

上諭甘肅安肅道員缺著口棟補授欽此 上諭奉天府知府著鄧嘉鍼調補王振聲著補授安徽徽州府知府欽此 十二日

上諭伊犁將軍長庚著賞給兵部尚書銜照例馳驛前往欽此 上諭江甯布政使黃建筦江蘇布政使效曾均著開缺另候簡用欽此 上諭前已有旨停止科舉及歲科考試飭令各省學政專司考校學堂事務嗣後各該學政事宜著即歸學務大臣考核毋庸再隸禮部以昭畫一欽此 十三日

上諭江蘇布政使著濮子澧補授陳啓泰著補授安徽按察使欽此 上諭江蘇蘇松太道員缺著瑞澂調補所遺江西廣饒九南道員缺著玉貴補授欽此 上諭江甯布政使著恩銘補授袁樹勳著補授江蘇按察使欽此 上諭直隸保定府知府員缺緊要著該督於通省知府內揀員調補所遺員缺著錫齡阿補授欽此 上諭福建福州府知府員缺緊要著該督於通省知府內揀員調補所遺員缺著白曾煜補授欽此 上諭兩淮鹽運使員缺著趙滋彥補授欽此 上諭直隸通永道員缺著朱家寶補授欽此 十四日

上諭楊士驤奏分別舉劾屬員一摺山東濟南府知府胡建樞調補泰安府知府吳筠孫膠州直隸州知州余則達署理平度州知州請補甯陽縣知縣曹倜准補東平州知州張世卿署惠民縣知縣樂陵縣知縣王學曾署齊河縣知縣鄧際昌署范縣知縣王鴻瑞調署濰縣知縣鄒縣知縣朱朝楨均著傳旨加獎夏津縣知縣候補直隸州知州王翰琛疎脫要

犯庸玩不振濟南府通判趙佑新不知檢束聲名平常萊蕪縣知縣方名洋任意苛罰罔恤民艱鉅野縣知縣項景壽緝捕不力罔顧職守代理滋陽縣知縣張檢怠忽性成獄務不慎棲霞縣知縣韓壽椿縱容丁役習氣太深候補知府彭寶銘性貪才庸操守難信滋陽縣典史楊彥臣獄務廢弛幾釀巨案黃縣平邑集巡檢梁鯤遇事張皇不知政體均著卽行革職高苑縣知縣王大堃年力衰庸聽斷竭蹶濰縣典史劉械身有痼疾均著開缺以原品休致台莊營參將何成忠舉動任性擅責平民台莊營守備王殿華藉查營田巧取民利濟平營河營哨官候補副將鄭彥儀行為荒謬被控有案署梁山營都司于德昇營務廢弛東平汎把總王以信膽大妄爲著一併革職以示懲儆餘著照所議辦理該部知道欽此

上諭商部奏振興東三省商務請飭妥籌辦法一摺東三省地大物博風氣未開亟應指定地界多開場埠推廣通商期與有約各國公共利益並飭地方官舉辦各項實業以興商務著外務部商部會同北洋大臣袁世凱盛京將軍趙爾巽統籌辦法妥議章程具奏候旨施行欽此 十七日

上諭甘肅新疆巡撫著聯魁補授未到任以前著吳引孫署理欽此 上諭樸壽著來京當差歸化城副都統著文哲珪補授欽此 上諭安徽布政使著馮煦補授和爾庸著補授四川按察使欽此 上諭山西按察使著吳匡補授欽此

上諭升允奏查明疆臣侵挪各款據實覆奏一摺前據松藩奏稱侵挪餉項各員當將李滋森等一併革職歸案審訊茲據升允查覆潘效蘇等冒險分用款項至二十三萬餘兩之多雖經照數歸款究屬通同舞弊該撫身為大臣宜如何精白爲心整躬率屬乃竟侵挪巨款實屬辜恩溺職甘肅新疆巡撫潘效蘇著卽行革職發往軍臺効力贖罪已革鎮迪道李滋森吐魯番同知張樹炎候補通判周開曙扶同捏飾朋比分肥均著發往軍臺効力贖罪以示懲儆已革候補通判乾南中既據奏稱未曾分款業經革職卽著毋庸置議此項追出銀兩著該督等飭令另款存儲聽候提撥該部知道

諭旨

欽此 十八日

五十

十二月

上諭戴鴻慈現在出差戶部右侍郎著陳璧署理唐文治著署理商部左侍郎欽此 上諭山西河東道員缺著陳際唐補授欽此 旨廕生霖霈著以文員用際彪著以文職用魁齡著以七品筆帖式用吳忠湛著外用湯寶燧著外用江南道監察御史著齊忠甲補授保送禮部宗室員外郎寶第著外用擬補內閣侍讀復茂中書吳和聲俱著准其補授截取內閣中書黃梅瑞籍忠宣俱著照例用分發浙江補用道袁思永江蘇試用道蔡國器包發鶴余聯瀛河南試用道楊恩慶直隸補用知府王荃本江蘇試用知府徐承諫姚龍勳江西試用知府張愉康山西試用知縣斌衡直隸試用知州廖學榮江蘇試用通判黃仁黼甘肅試用通判祥廣浙江試用通判何堯奉天補用知縣曾宗韓直隸補用知縣紀雲鵬江蘇補用知縣陳翼鴻山東補用知縣豐麟河南補用知縣王毓文陝西補用知縣烜麟福建補用知縣李丹麟直隸試用知縣桂瑞霖鄧錫綸江蘇試用知縣周開璧山東試用知縣李垣河南試用知縣王嗣曾徐家鄰陝西試用知縣柳驥材浙江試用知縣江文光楊瀛奎江西試用知縣宋尊望湖北試用知縣胡長泰湖南試用知縣顧佩元廣西試用知縣楊縉四川試用知縣于繼綏趙維城廖敦五兩淮試用鹽大使何承杰俱著照例發往保舉山西補用知府清治保舉直隸補用知縣趙淇彥俱著照例用卓異河南滑縣知縣呂相曾著准其卓異加一級仍註册回任候升卓異新選直隸甯津縣知縣前廣西臨桂縣知縣祿坤著准其卓異加一級仍註册候升捐復奉天補用知縣周繩武著准其捐復原官仍留原省著照例用工部員外郎著文徵補授 定東陵禮部員外著廉康補授欽此 諭旨本日引見之河南卽補知府朱濤著仍留原省以知府補用欽此 十九日

上諭徐世昌現在出差所署之兵部左侍郎著壽勳暫行署理欽此 二十日

上諭周馥奏請將李經楚留辦江甯銀行並請免其開缺等語李經楚調補福建興泉永道奉旨後即應赴任以重職守乃周馥初則請將該員調回江蘇徐州道未予允准茲復藉試辦銀行輒爲奏留並請免其開缺實屬冒昧各省督撫用人行政自當一秉大公不得瞻顧私情致墮綱紀周馥著傳旨申飭李經楚著即行開缺交周馥差遣委用所請開辦銀行著戶部議奏欽此 上諭周馥等奏勳臣在籍病故臚陳功績懇請賜卹一摺前四川總督劉秉璋學問優長老成練達由翰林隨同前大學士曾國藩李鴻章剿平髮捻各匪迭克名城戰功卓著擢任兩司荦陟封圻任事勇直持躬廉介嗣因案革職茲據周馥臚陳戰功事跡宿將凋零殊深惋惜前四川總督劉秉璋著加恩開復革職處分照總督例賜卹任內一切處分悉予開復應得卹典該衙門查例具奏並將生平功績宣付國史館立傳以示篤念勳臣至意欽此 二十三日

上諭福建興泉永道員缺著姚文倬補授欽此 上諭安徽皖南鎮總兵員缺著吳繼培補授欽此 二十四日

旨浙江全省鐵路經商部奏准由紳民自辦前與英商訂立蘇杭甬草合同著責成盛宣懷趕緊磋商收回自辦毋得藉詞延宕欽此 二十五日

旨鴻恩興廉星轅松海海桂存瑞伊嵩揚阿伊星阿定安彝叙文沅恩綸銅盛永通恩壘寶木毓寬桂森春祿錫振桂昌祿勳著壽祺昌隆凱元瑞均著記名以軍機章京用欽此 上諭那桐等奏援案請賞外城粥廠粟米開單呈覽一摺現在節屆寒令貧民生計維艱所有玉泉菴育嬰堂普善堂磚塔胡同圓通觀梁家園各粥廠每月共需米二百四十石加恩照數賞給自十月初一日起由各該局交明戶部札倉給發務當派委妥員督同紳士核實散放毋任侵漁單併發餘依議另片奏請賞給崇善堂等處米石等語崇善堂等處各廠收養貧民人數衆多米石不敷支放加恩著照所請所有

諭旨

五十二

十一月

崇善堂公善堂禮拜寺西悅生堂同德堂繼德堂各賞給粟米三百石南海會寺玉清觀與善燠廠清真粥廠各賞給粥米一百五十石以惠窮黎仍著候各處教養局開辦後另行變通辦理欽此 二十六日

上諭載澤等二十六日乘火車出京正擬開行陡聞轟震之聲查係炸彈猝發載澤紹英均受微傷除車旁傷斃三人其餘隨員僕從亦有死傷車內轟斃一人驗有炸彈毀裂痕跡等語並據那桐等具奏前來光天化日之下竟有匪徒如此橫行實屬目無法紀著責成步軍統領衙門順天府工巡局督辦鐵路大臣等嚴切查拿澈底根究從重懲辦以儆凶頑所有外城工巡局委員及南營參將鐵路車站委員疎於防範即行查取職名交部議處餘著照所議辦理欽此 上諭順天府奏援案請賞米石各摺片現在節屆寒令近畿一帶貧民生計艱難所有朝陽安定西直等門外三處粥廠共恩賞粟米一千二百石藍靛廠恩賞粟米三百石敬節會善堂恩賞粟米一百五十石廣仁堂恩賞粟米三百石資善堂恩賞粟米三百石蘆溝橋恩賞粟米四百石均著加恩賞給由該府尹具領發交各該處員紳妥為散放以惠窮黎仍著俟各處教養局開辦後另行變通辦理欽此 二十七日

上諭綽哈布錫良等奏諸軍進克巴塘戡平邊亂一摺本年春間巴塘番匪煽亂戕害駐藏大臣鳳全等迭經電諭該將軍總督趕緊派兵剿辦茲據奏稱馬維騏等親率各營直搗巢穴將戕害鳳全之正犯喇嘛陀澤隆帶郎吉等及其餘各犯悉正典刑巨款剪除全台底定辦理尙為迅速自應量予優叙四川提督馬維騏著賞給頭品頂戴並著賞穿黃馬褂四川建昌道趙爾豐著交部從優議叙出力各員除錢錫寶甫經銷去永不叙用毋庸加恩外餘均著照所請以示獎勵餘著照所議辦理該部知道欽此 二十九日

上諭四川重慶鎮總兵員缺著張慶雲補授欽此 九月初一日

上諭江西饒州府知府員缺著張檢補授欽此

上諭釐穀重地竟有匪人在火車上擲放炸彈之事此等凶頑不法難

保無黨羽溷跡京城暗圖生事巡警關係重要亟應認真辦理以消隱患而靖人心著責成那桐壽耆張仁黼等各按地
段督飭官弁巡捕嚴密查拿加意防範務令奸究無所容身期於警務日有起色俾內外城一律靖謐閭閻安堵無驚用
副委任將此諭令知之欽此 初二日

上諭順天府奏請賞給同仁粥廠米石一摺所有同仁粥廠加恩著賞給粟米三百石以惠窮黎仍著俟教養局開辦後
另行變通辦理欽此 旨有奏奏後藏戴率員缺擬定正陪請簡等語照有奏所奏著擬正之五品貢噶爾營官策丹朗
結補授欽此 初三日

上諭京察記名人員將次簡放完竣著內閣部院各衙門於京察一等未經記名各員內遴選才具優長者出具切實考
語保送由吏部帶領引見欽此 初四日

旨戶部貴州司郎中著田倬卿補授廣東德慶州知州著章茂林補授四川天全州知州著熊朝濱補授四川璧山縣知
縣著哈銳補授直隸鉅鹿縣知縣著徐福田補授山西浮山縣知縣著汪明源補授甘肅岷州知州著董立綱補授浙江
永康縣知縣著曹鴻澤補授截取舉人賈方策著以教職用徐永忻著以教職用張樹蘭著以知縣用承烈著以教職用
黃維清著以知縣用胡鳳儀著以教職用陳書培著以教職用都察院筆帖式著恩連補授廕生薩璧屯著以侍衛用伍
朝樞著內用工科給事中著朱顯廷補授保送分發直隸州內務府主事定瑞著以直隸州知州分發省分補用擬補綏
遠城將軍衙門筆帖式書綿著准其補授卓異俸滿陝西榆林府調補西安府知府光昭著回任准其每次卓異加一級
仍註册候升准補山西絳州直隸州卓異知縣李光斗著准其補授並准其於知縣任內卓異加一級保舉東河補用通

諭旨

五十四

十一月

判汪福蔭湖北補用知縣王允成奏留福建補用知縣額勒登武俱著照例用俸滿山西布庫大使孔昭璠著回任開復前山東單縣知縣松年著准其開復原官仍發原省照例用欽此 諭旨本日引見之知州用江蘇試用知縣寶鎮山著仍留原省以知縣補用欽此 初七日

上諭李經羲奏參貪庸不職各員一摺廣西揀發知縣書通縱丁苛商劣聲昭著下雷土州吏目劉宗海受賄縱匪宜山縣白土巡檢林顯文聲名貪劣試用巡檢陳天爵索分詐贓試用從九品趙楷苛斂索詐全國梁貪婪狡猾天保縣典史吳啓貪詐虐民試用未入流劉璧美行爲貪鄙均著革職永不叙用陳天爵現已潛逃回籍著緝拿歸案嚴審趙楷並著歸案訊辦揀發知府潤懋昏庸鄙悖敗壞推政補用同知李祥麟弊坐私肥習溺朋比試用通判張祺疲玩廢弛鉅缺兵額江州土州州同范錫瀛朦領兵餉見利忘義候補知縣周琦縱容門丁藉案詐贓補用知縣岑燕美滋弊困商利心頗重試用知縣甘祖翰縱差姦擄不恤彫殘試用知縣余學濬縱子爲非奉議州學正楊國楷聲名平常試用典史王大猷疲軟無能均著即行革職周琦並著勒交門丁歸案訊辦試用通判吳靖丁役滋弊失於覺查揀發知縣葉龍芬奉公不愼檢束多疏試用知縣向淦辦事浮華巧於趨避許炳熙辦公怠玩約束不嚴均著以府經歷縣丞降補太平府訓導伍建邦年力衰頹著勒令休致武定縣知縣楊和損識闇才庸難期振作著開缺查看賓州知州萬昌恩謹有餘才力不平南縣知縣陳恩悌人尙篤實煩劇非宜天保縣知縣續會才欠開展辦事迂緩均著開缺另補揀發知縣會邦澤性情粗率惟平日辦事尙勤試用知縣王道徽辦事任性年力富強尙堪訓策均著摘去頂戴隨時查看餘著照所議辦理該部知道欽此 初九日

上諭十月初一日孟冬時享 太廟朕親詣行禮 後殿派載功行禮兩廂派德壽英俊各分獻欽此 上諭朕欽奉

慈禧端佑康頤昭豫莊誠壽恭欽獻崇熙皇太后懿旨禮部奏萬壽聖節禮儀一摺十月初十日萬壽在皇極殿受賀停止筵宴其在外之公主福晉命婦著照例行禮餘依議欽此 上諭巡警關係緊要迭經諭令京師及各省一體舉辦自應專設衙門俾資統率著即設立巡警部署兵部左侍郎徐世昌著補授該部尚書內閣學士毓朗著補授該部左侍郎直隸候補道趙秉鈞著賞給三品京堂署理該部右侍郎所有京城內外工巡事務均著管理以專責成其各省巡警並著該部督飭辦理該尚書等務即悉心通籌力任勞怨嚴定章程隨時切實稽核期於內外靖謐黎民乂安用副委任一切未盡事宜即由該部妥議具奏欽此 初十日

諭旨

五十五

乙巳